



Kommunane/Fylkeskommunen i Hordaland  
Kommunane/Fylkeskommunen i Sogn og  
Fjordane

Saksbehandlar, innvalstelefon  
Beate Helland, 5557 2215

## Kommunalt kompetanse- og innovasjonstilskot 2019

**Tilskot til kompetanseheving og innovasjon for å stimulere kommunane til å møte framtidens utfordringar på helse- og omsorgsfeltet med berekraftige og gode tiltak og tenester.**

**Søknadsfrist: 22. mars 2019**

### Kven som kan søkje:

Kommunar og fylkeskommunar kan søkje om midlar til kompetanseutvikling, opplæringstilskot knytt til brukarstyrt personleg assistanse og innovasjonsprosjekt.

Kommunar kan gjerne søkje i samarbeid med andre kommunar, helseføretak, næringsliv, frivillig sektor eller andre aktørar.

**Beløp som skal fordelast i Hordaland og Sogn og Fjordane:** Ikkje avklart enno  
Statsbudsjettreferanse: kapittel 761, post 68, Helse- og omsorgsdepartementet

### Målet for ordninga

Hovudmål:

Stimulere kommunane til kompetanseutvikling og innovasjon for å møte framtidens utfordringar på helse- og omsorgsfeltet med berekraftige og gode tiltak og tenester.

Delmål:

- Auka kompetanse for å utvikle god praksis og sikre gode og trygge tenester tilpassa den enskilde sitt behov
- sterkare brukarmedverknad og betre samspel med pårørande, frivillige og lokalsamfunnet
- førebyggje og utsetje behov for kompenserte tenester og bidra til at brukarane opprettheld eller gjenvinn sin funksjonsevne og sjølvstende
- styrka leiarkompetanse, fagutvikling, større fagleg breidde, tilstrekkeleg, kompetent og stabil bemanning

### Målgrupper



Primærmålgruppa er leiarar, tilsette og personar som kan rekrutterast til å jobbe i helse- og omsorgstenesta, inklusive psykisk helse- og rustenester.

Sekundærmålgruppa er brukarar av dei kommunale helse- og omsorgstenestene, inklusive psykisk helse- og rustenester og deira pårørande.

### **Midlane skal fordelast på tre hovudmål med følgjande prioritering:**

- **Kompetansetiltak (grunn-, vidare- og etterutdanning)**

Vidareutdanning av sjukepleiarar og andre høgskuleutdanningar og vidareutdanning innan ernæring og palliasjon vert prioritert. Tilskot til korte interne opplæringstiltak, kurs, seminar og liknande vert prioritert i mindre grad. Unntak er statlege satsingar som f.eks. ABC-opplæringsprogram og liknande.

I tråd med krav i *Forskrift om kvalitet og ledelse* skal leinga i kommunane mellom anna vurdere behov for kompetanse blant tilsette for å kunne løyse oppgåvene i tenestene. Vi ber kommunane om å sende kompetanseplan i samband med søknad om tilskot.

- **BPA**

Tilskotet skal bidra til opplæring av arbeidsleiarar, assistentar og saksbehandlarar.

Personar som ikkje tidlegare har fått opplæring bør prioriterast. Opplæringsbehov innan BPA må sjåast i samanheng med kommunen sin kompetanseplan.

- **Innovasjonsprosjekt**

Innovasjonsprosjekta skal bidra til innovasjon og utvikling av nye metodar for førebygging og tidleg innsats, eigenmestring, fritidsaktivitet med assistanse, kulturopplevingar, ernæring, legemiddelhandtering, rehabilitering og habilitering og samspel med pårørande og frivillige i omsorgssektoren generelt og i demensomsorga spesielt.

Tiltak som har innovasjonsfellesskap med næringsliv og/eller utdannings- og forskingsinstitusjonar skal ha eit fortrinn.

Innovasjons- og kompetansetilskotet skal sjåast i samanheng med Kommunal- og moderniseringsdepartementets skjønntilskot, som også kan brukast til kommunal innovasjon og utvikling.

### **Korleis søkje**

Vedlagt søknadsskjema skal nyttas av alle som søker om tilskot. (sjå vedlegg).

De finn også informasjon om ordninga, regelverk for ordninga, søknadsskjema og rapporteringsskjema på [Fylkesmannen.no](http://Fylkesmannen.no)

Søknaden blir å sende elektronisk til Fylkesmannen si postadresse:

[fmvlpost@fylkesmannen.no](mailto:fmvlpost@fylkesmannen.no)

### **Andre opplysningar**

Det vert som hovudregel lagt til grunn ein kommunal eigendel. Dersom kommunen mottek andre statlege tilskot der det er lagt inn ein føresetnad om kommunal eigendel, skal tilskotsmidlane ikkje brukast til å dekke denne kostnaden.



Senter for omsorgsforskning, Høgskulen i Gjøvik har fått i oppdrag å vere dokumentasjonssenter for innovasjonsprosjekta.

### **Rapportering på motteke tilskot**

Kommunane skal rapportere til Fylkesmannen innan 22. mars 2019 for midlar som vart tildelt i 2018. Rapporteringsskjema er lagt ved. (Sjå vedlegg). Frist for rapportering av motteke tilskot for 2019 vil gå fram av tildelingsbrevet.

### **Revisorkontroll (vilkår for tilskot):**

*Rekneskap skal reviderast av registrert revisor, statsautorisert revisor eller oppdragsansvarleg kommunerevisor (jf. § 11 i forskrift om revisjon i kommunar og fylkeskommunar) i samsvar med Den norske revisorforeninga sin standard ISA 805 "Særlige hensyn ved revisjon av enkeltstående regnskapsoppstillingar og spesifikke elementer, kontoer eller poster i en regnskapsoppstilling".*

Tilskotsmottakar må gje revisor ein kopi av tilskotsbrevet før revisorkontroll. Det er krav om revisorkontroll dersom innvilga tilskot er høgare enn 200 000 kroner per år.

### **Regelverk:**

<https://helsedirektoratet.no/tilskudd/kommunalt-kompetanse-oginnovasjonstilskudd#søknadsbehandling>

Med helsing

Linda Svori  
seksjonssjef

Beate Helland  
seniorrådgjevar

*Dokumentet er elektronisk godkjent*

Vedlegg:  
Søknadsskjema  
Rapporteringsskjema